



NAJAVA DOGAĐAJA/OBAVIJEST

Poštovane/i,

Podružnica psihologa Hercegovina (PPH), ogranak Društva psihologa u Federaciji Bosne i Hercegovine (DPFBiH), organizira, peti po redu, **Tjedan/Sedmicu psihologije u Hercegovini 2021 (TSPUH 2021)**, koji će se održati od 4.-10. oktobra/listopada 2021. godine, s ciljem da se obilježi i **Svjetski dan mentalnog zdravlja** - 10. oktobar/listopad.

Ponosni smo i zahvalni što se veliki broj kolega uključio u manifestaciju, posebno školski psiholozi, čija će važnost, nadamo se, biti prepoznata i nakon održavanja TSPUH 2021.

Glavni cilj manifestacije TSPUH 2021 je podizanje svijesti o važnosti sveobuhvatnog pristupa mentalnom zdravlju, kao i svijesti o ulozi psihologa u društvu danas, pri čemu se naglašava značaj psihosocijalne podrške kao sve bitniji dio odgovora na COVID-19 u našoj zemlji. Postoji hitna potreba primjene psiholoških spoznaja jer je trenutna pandemija dotaknula sve aspekte života ljudi, posebno mentalno zdravlje. Razumijevanje i prepoznavanje su prvi i najvažniji koraci u procesu rješavanja pitanja mentalnog zdravlja, kao što su podjednako važni i stvaranje poticajnog okruženja kod kuće, u školama i zajednici za rješavanje problema.

U svrhu podizanja svijesti o važnosti mentalnog zdravlja, promicanja znanja i popularizacije psihologije, kao i ulaganja u sveobuhvatnu podršku u zajednici, u okviru TSPUH 2021. planirane su praktične radionice, interaktivna predavanja i webinarji sa zanimljivim temama namijenjeni stručnjacima različitih profila (psiholozi, pedagozi, socijalni radnici i dr.), roditeljima, učenicima te svim ostalima zainteresiranima.

U prilogu vam dostavljamo program ovogodišnje manifestacije TSPUH 2021. Kao što možete vidjeti, pred nama je jedna zanimljiva sedmica/tjedan, koja postavlja pitanja i daje naučno utemeljene i stručne odgovore. **Stoga vas ljubazno molimo da ovo naše pismo/obavijest prosljedite kolegicama i kolegama, te objavite na oglasnoj ploči i web stranici fakulteta, te tako date podršku uspješnoj realizaciji ove manifestacije.**

Zahvaljujemo na saradnji i srdačno vas pozdravljamo!

S poštovanjem,

Društvo psihologa u FBiH
Podružnica psihologa Hercegovina



Mostar, 28.9.2021. godine